



ՈՒՂԵՑՈՒՅՑ

ԵՐԿՐԱՇԱՐԺԻ ԺԱՄԱՆԱԿ ՀԱՆՐԱՅԻՆ ՏՐԱՆՍՊՈՐՏԻ ՎԱՐՈՐԴՆԵՐԻ ԳՈՐԾԵԼԱԿԵՐՊԻ

Երկրաշարժը, որպես կանոն հանկարծակիի է բերում մարդկանց, ուստի կարևոր է լինել իրազեկ՝ այդ իրավիճակին ճիշտ ու կազմակերպված արձագանքելու համար:

 **Եթե դուք վարում եք հանրային տրանսպորտ**



ԵՐԿՐԱՇԱՐԺԻ ԺԱՄԱՆԱԿ

 Երբ զգաք ուժեղ ցնցումներ, մի փորձեք պահել սովորական ընթացքը, ճանապարհի վիճակն անկանխատեսելի կլինի:

 Տպավորություն կարող է առաջանալ, թե անիվն է վնասվել կամ մեքենան չի ենթարկվում կառավարմանը:

 Խուճապի մի՛ մատնվեք:

 Անմիջապես դանդաղեցրեք ընթացքը՝ խուսափելով կտրուկ արգելակումից, որպեսզի ուղևորները չվնասվեն:

 Շարժվեք դեպի ճանապարհի աջ հատվածը, հնարավորինս հեռու խոշոր կառույցներից:



Միացրեք ռադիոընդունիչը կամ տեղեկատվական համակարգը պաշտոնական տեղեկություններ ստանալու նպատակով:

ԱՐԳԵԼՎՈՒՄ Է ԿԱՅԱՆԵԼ՝

 Կամուրջների տակ կամ վրա:

 Բազմահարկ շենքերի կողքին:

 Էլեկտրասյուների և էլեկտրական գծերի ներքո:

 Ծառերի տակ, փլուզման վտանգ ունեցող հենապատերի մոտ, բենզալցակայանների և գազալցակայանների մոտ:

 Գովազդային վահանակների ներքո:

✓ ԽՈՐՀՈՒՐԴ Է ՏՐՎՈՒՄ ԿԱՅԱՆԵԼ՝

 Բաց տարածքներում:

 Բաց ավտոկայանատեղիներում:

 Այլ մեքենաներից անվտանգ հեռավորության վրա:

✓ ԻՆՉ ԱՆԵԼ ԿԱՅԱՆԵԼՈՒՑ ՀԵՏՈ

 Եթե տարածքը համեմատաբար անվտանգ է, ապա ուղևորները կարող են մնալ տրանսպորտային միջոցում:



Եթե մեքենան գտնվում է վտանգավոր վայրում, օրինակ մոտ է խոշոր կառույցներին ապա կազմակերպեք ուղևորների դուրսբերումն այդ կառույցներից հնարավորինս հեռու:

🔊 **ԳՈՐԾՈՂՈՒԹՅՈՒՆՆԵՐ ԵՐԿՐԱՇԱՐԺԻՑ ՀԵՏՈ**



Հնարավորության դեպքում կազմակերպեք առաջին բուժօգնություն:



Հնարավորության դեպքում հետևեք պաշտոնական տեղեկատվությանը:



Իրավիճակի վերաբերյալ տեղեկացրեք համապատասխան ծառայություններին:



Ստուգեք՝ արդյոք հնարավոր է անվտանգ շարունակել երթևեկությունը:



Մի սկսեք շարժվել, մինչև չստանաք պաշտոնական հաստատում՝ ճանապարհի անվտանգ լինելու վերաբերյալ:

🚩 Մշտապես կիրառական վիճակում ունեցեք առաջին բուժօգնության պայուսակ, կրակմարիչ, լապտեր, ջուր և կապի միջոց (բջջային հեռախոս, ռադիոկապ):

ՀՀ ՆԳՆ Սեյսմիկ Պաշտպանության Տարածքային Ծառայություն ՊՈԱԿ-ի

Բնակչության հետ տարվող աշխատանքների վարչություն

Հեռ: 060372275, 060372230

Էլ. Փոստ: nsspbtav@gmail.com

Վեբ կայք: <https://www.nssp.am/hy>